

АО «СК «Сентрас Иншуранс»	ПС-11 Правила обязательного страхования гражданско-правовой ответственности частных нотариусов	Издание № 3 от «01» января 2019 г.	Стр. 1 из 11
		Взамен издания № 2 от «14» июля 2018 г.	

Утверждены решением
Совета директоров
АО «СК «Сентрас Иншуранс»
Протокол №49 от «26» 11.2018 г.



ПС-11

Правила обязательного страхования гражданско-правовой ответственности частных нотариусов АО «СК «Сентрас Иншуранс»

	Должность	Ф.И.О.	Подпись	Дата
Контроль	Комплаенс-контролер	Троценко Д.А.		23.11.2018

Виза	Должность	Ф.И.О.	Подпись	Дата
Согласовано	Директор Департамента страховых выплат	Былин А.А.		22.11.2018
Согласовано	Главный специалист 1 категории УПО ЮД	Нартаева Г.К.		23.11.2018
Согласовано	Заместитель Директора Департамента Андеррайтинга	Самойлова Т.В.		22.11.2018

	Должность	Ф.И.О.	Подпись	Дата
Разработал	Специалист 1 категории ОМ	Джумагулов Т.Э.		22.11.2018

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 2- беті
		2018ж.«14» шілдедегі №2 Басылымның орнына	

Мазмұны

1-бөлім. Жалпы ережелер	3
2-бөлім. Негізгі ұғымдар	3
3-бөлім. Сақтандыру объектісі	4
4-бөлім. Сақтандыру оқиғасы	4
5-бөлім. Сақтандыру шартын жасасу тәртібі	4
6-бөлім. Сақтандыру сомасы. Франшиза.	5
7-бөлім. Сақтандыру сыйақысы	5
8-бөлім. Сақтандыру шартының қолданылу мерзімі мен орны	5
9-бөлім. Сақтандыру шартын тоқтату талаптары	6
10-бөлім. Тараптардың құқықтары мен міндеттері	6
10.1. Сақтанушы құқылы:	6
10.2. Сақтанушы міндетті:	6
10.3. Сақтандырушы құқылы:	6
12-бөлім. Сақтандыру оқиғасының орын алғанын және залалдың мөлшерін растайтын құжаттардың тізбесі	8
12-бөлім. Сақтандыру төлемін жүзеге асырудың тәртібі мен шарттары	8
13-бөлім. Сақтандырушыны сақтандыру төлемін жүзеге асырудан босату негіздері	9
14-бөлім. Залал келтірген адамға кері талап қою құқығы	10
15-бөлім. Дауларды шешу тәртібі	10
16-бөлім. Жеке нотариустардың азаматтық-құқықтық жауапкершілігін міндетті сақтандыру жөніндегі дауларды реттеудің ерекшеліктері	10
17-бөлім. Ақпараттық өзара әрекеттестік	11
18-бөлім. Ерекше талаптар	11

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 3- беті
		2018ж.«14» шілдедегі №2 Басылымның орнына	

1-бөлім. Жалпы ережелер

1.1. Жеке нотариустардың азаматтық-құқықтық жауапкершілігін міндетті сақтандырудың осы Ережесі (бұдан әрі - Ереже) Қазақстан Республикасының Азаматтық Кодексіне, «Сақтандыру қызметі туралы» Қазақстан Республикасының Заңына, «Жеке нотариустардың азаматтық-құқықтық жауапкершілігін міндетті сақтандыру туралы» Қазақстан Республикасының Заңына (бұдан әрі - Заң), сондай-ақ Қазақстан Республикасының өзге де нормативтік құқықтық актілеріне сәйкес әзірленді;

1.2. Осы Ереженің (бұдан әрі – Ереже) талаптарына сәйкес бұдан әрі Сақтандырушы деп аталатын «Сентрас Иншуранс «Сақтандыру Компаниясы» Акционерлік қоғамы, бұдан әрі Сақтанушылар деп аталатын жеке тұлғалармен Жеке нотариустардың азаматтық-құқықтық жауапкершілігін міндетті сақтандыру шартын (бұдан әрі – Шарт) жасасу арқылы жеке нотариустардың азаматтық-құқықтық жауапкершілігін міндетті сақтандыруды (бұдан әрі - жеке нотариустардың жауапкершілігін міндетті сақтандыруды) жүзеге асырады.

1.3. Сақтанушының немесе оның өкілінің Шартқа қол қоюы оның осы Ережелер мен Шарттың талаптарымен толық келісетіндігінің растамасы болып табылады.

1.4. Шарт бойынша Сақтанушы сақтандыру сыйақысын төлеуге, ал Сақтандырушы Шартта көзделген сақтандыру оқиғасы орын алған кезде Сақтанушыға немесе Шарт пайдасына жасалған басқа тұлғаға (Пайда алушыға) Шартпен белгіленген сақтандыру сомасының шегінде сақтандыру төлемін төлеуге міндеттелінеді..

1.5. Жеке нотариустардың жауапкершілігін міндетті сақтандырудың мақсаты жеке нотариустардың нотариалдық іс-әрекетінің нәтижесінде залал келтірілген үшінші тұлғалардың мүліктік мүдделерін сақтандыру төлемдерін жасау арқылы қорғаныспен қамтамасыз ету болып табылады.

1.5.1. Жеке нотариустардың жауапкершілігін міндетті сақтандырудың негізгі қағидаттары:

1.5.2. жауапкершілігі жеке нотариустың жауапкершілігін міндетті сақтандыру шарты бойынша сақтандырылған жеке нотариустың қызметін жүзеге асыруы;

1.5.3. тараптардың жеке нотариустардың жауапкершілігін міндетті сақтандыру шарты бойынша өз міндеттемелерін орындауын қамтамасыз ету.

2-бөлім. Негізгі ұғымдар

2.1. Осы Ережеде мынадай негізгі ұғымдар қолданылады:

2.1.1. **Пайда алушы** - осы Ережеге және Заңға сәйкес сақтандыру төлемін алушы болып табылатын тұлға;

2.1.2. **жеке нотариустың азаматтық-құқықтық жауапкершілігі** - Қазақстан Республикасының азаматтық заңнамасында белгіленген жеке нотариустың нотариалдық іс-әрекетінің нәтижесінде келтірілген залалды өтеу міндеті;

2.1.3. **Сақтанушы** - Сақтандырушымен сақтандыру шартын жасасқан жеке нотариус;

2.1.4. **сақтандыру төлемі** - сақтандыру оқиғасы орын алған кезде Сақтандырушының Сақтанушыға (Пайда алушыға) сақтандыру сомасы шегінде төленетін ақшалай сома;

2.1.5. **сақтандыру сыйақысы** - Сақтанушы Сақтандырушыға сақтандыру шартында белгіленген мөлшерде Пайда алушыға сақтандыру төлемін жүргізуге міндеттемелер қабылдағаны үшін төлеуге міндетті ақша сомасы;

2.1.6. **сақтандыру сомасы** - Сақтандыру объектісі сақтандырылған және сақтандыру жағдайы басталған кезде сақтандырушы жауапкершілігінің шекті көлемін білдіретін ақша сомасы;

2.1.7. **сақтандыру оқиғасы** - шартты сақтандыру төлемін жүзеге асыруды көздейтін оқиға;

2.1.8. **сақтандыру омбудсманы** - «Сақтандыру қызметі туралы» Қазақстан Республикасының Заңына сәйкес сақтандыру нарығына қатысушылар арасындағы келіспеушіліктерді реттеуді жүзеге асыратын өз қызметінде тәуелсіз жеке тұлға;

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 4- беті
		2018ж.«14» шілдедегі №2 Басылымның орнына	

2.1.9. Сақтандырушы - сақтандыру ұйымы ретінде тіркелген және сақтандыру қызметімен айналысу құқығына лицензиясы бар, сақтандыру оқиғасы орын алған жағдайда Сақтанушыға немесе Шарт пайдасына жасалған басқа тұлғаға (Пайда алушыға) Шартта белгіленген сома шегінде сақтандыру төлемін жасауға міндетті заңды тұлға;

2.1.10. Үшінші тұлға – жеке нотариустың жүзеге асыру үшін Қазақстан Республикасының нотариат туралы заңнамасына сәйкес Шарт жасасуы тиіс нотариалдық іс-әрекетті орындауымен байланысты кәсіби міндеттерін орындауы барысында мүліктік мүдделеріне зиян келтірілген Шарттың тарабы болып табылмайтын тұлға;

2.1.11. жеке нотариус – нотариалдық қызметпен айналысу құқығына арналған лицензиясы негізінде заңды тұлға құрмастан нотариалдық қызметпен айналысатын және аумақтық әділет органында есептік тіркеуден өткен Қазақстан Республикасының азаматы;

2.1.12. франшиза - Сақтандырушыны белгіленген көлемнен аспайтын залалды өтеуден босату.

3-бөлім. Сақтандыру объектісі

3.1. Жеке нотариустардың жауапкершілігін міндетті сақтандырудың объектісі жеке нотариустың жүзеге асыруы үшін Қазақстан Республикасының нотариат туралы заңнамасына сәйкес Шарт жасасуы тиіс нотариалдық іс-әрекетті (бұдан әрі – нотариалдық іс-әрекет) орындауы нәтижесінде үшінші тұлғаларға келтірілген залалды өтеу міндетімен байланысты мүліктік мүдделері болып табылады.

3.2. Өз қызметін Қазақстан Республикасының заңнамасымен көзделген тәртіпте жүзеге асыратын Жеке нотариустардың азаматтық-құқықтық жауапкершілігі міндетті сақтандыруға жатады.

4-бөлім. Сақтандыру оқиғасы

4.1. Шарт бойынша сақтандыру оқиғасы ретінде жеке нотариустың нотариалдық іс-әрекетті орындауы нәтижесінде үшінші тұлғалардың мүліктік мүдделеріне келтірілген залалды өтеу бойынша Сақтанушының азаматтық-құқықтық жауапкершілігінің орын алу дерегі танылады.

4.2. Сақтандыру оқиғасы Сақтанушы келтірген залалды өтеу туралы сот шешімі күшіне енген немесе Сақтанушы Үшінші тұлғалардың залалды өтеу туралы талабын негізді деп танып, Сақтандырушы Сақтанушының талаптарды мойындауымен келіскен күннен бастап орын алған болып есептеледі.

5-бөлім. Сақтандыру шартын жасасу тәртібі

5.1. Жеке нотариустардың жауапкершілігін міндетті сақтандыру осы Ережеге және Қазақстан Республикасының заңнамасына сәйкес Сақтанушы мен Сақтандырушы арасында жеке нотариус нотариалдық іс-әрекетті орындаған кезде мүліктік мүдделеріне залал келтірілуі мүмкін Үшінші тұлғаның пайдасына жасалатын Шарт негізінде жүзеге асырылады.

Жеке нотариус нотариалдық іс-әрекеттерді орындамай тұрып Шарт жасасуға міндетті.

5.2. Сақтанушы нотариалдық іс-әрекетті орындаған кезде үшінші тұлғаларға залал келтіруі салдарынан пайда болған жағдайлар бойынша моральдық шығын, айрылған пайда және айыпақы төлеуден басқа сақтандыру төлемін жүзеге асыруы Шартта көзделеді..

5.3. Шарт тек міндетті сақтандырудың осы түрі бойынша қызметпен айналысу құқығына лицензиясы бар Сақтандырушымен ғана жасалуы тиіс. Осындай Шартты жасасу аталған Сақтандырушы үшін міндетті болып табылады.

5.4. Сақтанушының өтініш-сауалнамасы шарт жасасу үшін негіз болып табылады. Өтініш мазмұнына қойылатын талаптар және өтініште көрсетілген мәліметтерді растайтын құжаттар көшірмелерінің тізбесі уәкілетті мемлекеттік органның нормативтік құқықтық актілерімен белгіленеді.

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 5- беті
		2018ж.«14» шілдедегі №2 Басылымның орнына	

Шартта көрсетілуі тиіс талаптардың толық болмауы үшін жауапкершілікті Сақтандырушы атқарады. Шарттың жекелеген талаптарының болық болмауы салдарынан дау пайда болған жағдайда, дау Сақтанушының пайдасына шешіледі.

5.5. Жеке нотариустардың жауапкершілігін міндетті сақтандыру шарты Сақтандырушының электрондық нысанда сақтандыру полисін ресімдеуі арқылы жасалады.

Жеке нотариустардың жауапкершілігін міндетті сақтандыру бойынша сақтандыру полисінің мазмұны мен ресімделуі бойынша талаптар Қазақстан Республикасының Сақтандыру және сақтандыру қызметі туралы заңнамасымен белгіленеді.

Жеке нотариустардың жауапкершілігін міндетті сақтандыру шартында көрсетілуі тиіс талаптардың толық болмауы үшін жауапкершілікті сақтандырушы атқарады. Жеке нотариустардың жауапкершілігін міндетті сақтандыру шарты бойынша жекелеген талаптарының болық болмауы салдарынан дау пайда болған жағдайда, дау Сақтанушының пайдасына шешіледі.

5.6. Шарт Сақтандырушының сақтандыру полисін Сақтанушыға беруі арқылы жазбаша түрде жасалады.

5.7. Жеке нотариустардың жауапкершілігін міндетті сақтандыру шарты сақтанушының қалауы бойынша сақтандырушыға жазбаша өтініш беру не сақтанушы мен сақтандырушы арасында сақтандырушының интернет-ресурсын пайдалана отырып, электрондық нысанда ақпарат алмасу жолымен жасалуы мүмкін.

5.8. Жеке нотариустардың жауапкершілігін міндетті сақтандыру шартын жасасу үшін өтініш электрондық нысанда берілген кезде, сақтанушыдан мамандандырылған бағдарламалық жасақтаманы пайдалану талап етілмейді.

6-бөлім. Сақтандыру сомасы. Франшиза.

6.1. Шарт бойынша сақтандыру сомасының көлемі оның талаптарымен белгіленеді және өз қызметін республикалық маңызы бар қалалар мен астана аумағында жүзеге асыратын нотариустар үшін кемінде 1 000, өзге нотариустар үшін – Шарт жасалған күні, тиісті қаржылық жылға арналған республикалық бюджет туралы заңмен белгіленген кемінде 500-еселік айлық көрсеткішті құруы тиіс.

6.2. Әрбір сақтандыру оқиғасы бойынша франшизаның көлемі тараптардың келісімі бойынша белгіленеді, бірақ Шартта белгіленген **сақтандыру сомасынан 5 (Бес) пайыздан** аспауы керек.

6.3. Келтірілген залал көлемі белгіленген франшиза көлемінен асатын жағдайларда, сақтандыру төлемі толық көлемде орындалады.

7-бөлім. Сақтандыру сыйақысы

7.1. Сақтандыру сыйақысының көлемі тараптардың келісімі бойынша белгіленеді, бірақ Шарттың талаптарымен белгіленген сақтандыру сомасынан 4,5 пайыздан аспауы керек.

7.2. Шарт бойынша сақтандыру сыйақысын төлеу тәртібі мен мерзімдері тараптардың келісімі бойынша белгіленеді.

7.3. Кезекті сақтандыру жарнасын дер кезінде төлемегені үшін Сақтанушы Қазақстан Республикасының Азаматтық кодексімен белгіленген тәртіп пен көлемде Сақтандырушыға өзгенің ақшасын заңсыз пайдалану ретінде айыпақы төлеуге міндетті.

7.4. Сақтандырушы өзінің интернет-ресурсы арқылы сақтандыру сыйақысын қолма-қол ақшасыз тәсілмен төлеу мүмкіндігін ұсынады.

8-бөлім. Сақтандыру шартының қолданылу мерзімі мен орны

8.1. Шарт Сақтанушы сақтандыру сыйақысын төлеген сәттен бастап, ал егер сақтандыру сыйақысы бөліп төленетін болса - алғашқы сақтандыру жарнасы төленгеннен кейін күшіне енеді және талаптар үшін міндетті болып саналады.

8.2. Шарт күшіне енген күннен бастап **12 (Он екі) айға** жасалады. Сақтандыру қорғанысының қолданылу мерзімі Шарттың қолданылу мерзіміне сәйкес.

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 6- беті
		2018ж.«14» шілдедегі №2 Басылымның орнына	

8.3. Егер Шартта өзгеше көзделмесе, Шарттың қолданылуы Қазақстан Республикасының аумағымен шектеледі.

9-бөлім. Сақтандыру шартын тоқтату талаптары

9.1. Шарт келесі жағдайларда тоқтатылды деп есептеледі:

9.1.1. Шарттың қолданылу мерзімі аяқталғанда;

9.1.2. шартты мерзімінен бұрын тоқтатқанда;

9.1.3. Сақтандырушының сақтандыру төлемін (сақтандыру төлемдерін) Шарттың талаптарымен белгіленген сақтандыру сомасы көлемінде жүзеге асыруы.

9.2. Шартты мерзімінен бұрын бұзу тәртібі, талаптары мен салдары Қазақстан Республикасының азаматтық заңнамасына сәйкес белгіленеді.

10-бөлім. Тараптардың құқықтары мен міндеттері

10.1. Сақтанушы құқылы:

10.1.1. Сақтандырушыдан жеке нотариустардың жауапкершілігін міндетті сақтандыру шартының талаптарын, өзінің шарт бойынша құқықтары мен міндеттерін түсіндіруді талап етуге;

10.1.2. Сақтандырушының қаржылық есептілігімен танысуға;

10.1.3. сақтандыру төлемін осы Ережеде көзделген тәртіп пен талаптарға сәйкес алуға;

10.1.4. осы Ереженің 16-бөлімінде көзделген ерекшеліктерді ескере отырып, Сақтандырушыға не сақтандыру омбудсманьна немесе Жеке нотариустардың жауапкершілігін міндетті сақтандыру шартынан туындайтын мәселелерді реттеу үшін сотқа жүгінуге;

10.1.5. өтінішті және қоса берілген құжаттарды сақтандыру омбудсманьна (тікелей сақтандыру омбудсманьна, оның ішінде оның интернет-ресурсы арқылы не сақтандырушы, оның ішінде оның филиалы, өкілдігі арқылы) жіберуге.

10.2. Сақтанушы міндетті:

10.2.1. Шартта белгіленген мөлшерде, тәртіппен және мерзімдерде сақтандыру сыйақыларын төлеуге;

10.2.2. Шарт жасасу барысында осы Ережеге сәйкес Шартқа енгізу үшін қажетті, өтінімде көрсетілген мәліметтерді растайтын құжаттарды ұсынуға;

10.2.3. өзінің нотариалдық іс-әрекеті нәтижесінде келтірілген залалды өтеу туралы үшінші тұлғаның талап қойғанын немесе талап-арыз жазғанын білген бойда дереу, бірақ **5 (Бес) жұмыс күнінен** кешіктірмей, бұл туралы Сақтандырушыға қолжетімді тәсілмен (ауызша, жазбаша) хабарлауға;

10.2.4. орын алуы салдарынан Сақтанушының келтірген залалды өтеу міндетін тудыратын оқиғаның себебі, барысы мен салдары, сондай-ақ келтірілген залалдың сипаты мен көлемі туралы пайымдауға мүмкіндік беретін қолда бар бүкіл ақпарат пен құжаттарды Сақтандырушыға ұсынуға;

10.2.5. Сақтандырушыға үшінші тұлғалардың залалды өтеу туралы талабымен байланысты мәселелерді реттеуге қатысуға мүмкіндік беруге;

10.2.6. Сақтандыру оқиғасынан залалдың алдын алуға немесе азайтуға шара қолдануға;

10.2.7. сақтандыру оқиғасының орын алуына жауапты тұлғаға кері талап қою құқығының Сақтандырушыға өтуін қамтамасыз етуге.

10.3. Сақтандырушы құқылы:

10.3.1. Шарт жасасу барысында Қазақстан Республикасының Азаматтық кодексінде көзделген мәліметтерден басқа, сақтанушыдан осы Ережеге сәйкес шартқа енгізу үшін қажетті мәліметтерді, оның ішінде алдыңғы шарттар, сақтандыру оқиғалары және сақтандыру төлемдері туралы ақпаратты ұсынуды талап етуге;

10.3.2. Үшінші тұлғалардың Сақтанушымен келтірілген залалды өтеу туралы талабымен байланысты мәселелерді реттеуге қатысуға;

10.3.3. осы Ереженің 14-бөлімінде көзделген жағдайларда залал келтіргені үшін жауапты тұлғаға кері талап қою құқығын ұсынуға;

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 7- беті
		2018ж.«14» шілдедегі №2 Басылымның орнына	

10.3.4. осы Ереженің 13-бөлімінде көзделген негіздер бойынша, сондай-ақ Қазақстан Республикасының заңнамалық актілеріне сәйкес сақтандыру төлемін толық немесе ішінара жүзеге асырудан бас тартуға.

10.3.5. Сақтандырушы міндетті:

10.3.6. Сақтанушыны жеке нотариустардың жауапкершілігін міндетті сақтандыру талаптарымен таныстыруға, оның Шарттан туындайтын құқықтары мен міндеттерін түсіндіріп беруге;

10.3.7. Шарт Қазақстан Республикасының азаматтық заңнамасымен белгіленген жағдайлар мен тәртіпте мерзімінен бұрын тоқтатылған жағдайда, Сақтанушыға сақтандыру сыйақысын толығымен немесе ішінара қайтарып беруге;

10.3.8. сақтандыру оқиғасының орын алу дерегін және Сақтандырушы өтеуге тиіс залалдың мөлшерін растайтын құжаттар жеткіліксіз болған кезде, оларды алған күннен бастап 3 (үш) жұмыс күні ішінде жетіспейтін және (немесе) дұрыс ресімделмеген құжаттардың толық тізбесін көрсете отырып, өтініш берушіге бұл туралы хабарлауға міндетті;

10.3.9. сақтандыру оқиғасы орын алған кезде осы Ережеде белгіленген тәртіп пен мерзімде сақтандыру төлемін жүргізу;

10.3.10. Сақтанушыдан (Пайда алушыдан) өтініш алған кезде сақтанушының (Пайда алушының) талаптарын қарау және дауды реттеудің одан әрі тәртібін көрсете отырып, бес жұмыс күні ішінде жазбаша жауап беру;

10.3.11. Сақтанушыдан (Пайда алушыдан) сақтандыру омбудсманына жіберілетін өтінішті алған кезде осы өтінішті, сондай-ақ оған қоса берілетін құжаттарды сақтандыру омбудсманына алған күннен бастап үш жұмыс күні ішінде қайта жіберу;

10.3.12. Сақтанушыға сақтандыру оқиғасы кезінде шығындарды болдырмау немесе азайту мақсатында өзі шеккен шығыстарды өтеу;

10.3.13. сақтандыру құпиясын қамтамасыз ету;

10.3.14. сақтандыру төлемі уақтылы төленбеген жағдайда Пайда алушыға Қазақстан Республикасының азаматтық заңнамасымен белгіленген тәртіп пен көлемде айыпақы төлеу;

10.4. Сақтандырушының интернет-ресурсын пайдалана отырып, жеке нотариустардың жауапкершілігін міндетті сақтандыру шартын жасасу кезінде сақтандырушы қамтамасыз етуге міндетті:

10.4.1. Жеке нотариустардың жауапкершілігін міндетті сақтандыру шартын жасасу немесе оны жасасудан бас тарту туралы хабарламаны (бас тарту себептерін көрсете отырып) электрондық хабарлама түрінде сақтанушыға дереу жіберу;

10.4.2. сақтанушының деректер базасын қалыптастыру және жүргізу жөніндегі ұйымның ақпараттық жүйесі арқылы жеке нотариустардың жауапкершілігін міндетті сақтандыру шарты бойынша ақпаратты тексеру мүмкіндігі;

10.4.3. Сақтанушы үшін Сақтандырушының интернет-ресурсына тәулік бойы қол жеткізуді қамтамасыз ете отырып, жеке нотариустардың жауапкершілігін міндетті сақтандыру шартын электрондық нысанда сақтау;

10.4.4. Сақтанушыға (Пайда алушыға) келелесілерге қажетті ақпаратты электрондық нысанда (өтініштер, хабарламалар және (немесе) өзге де құжаттар, мәліметтер) жасау және жіберу мүмкіндігі:

10.4.4.1. Жеке нотариустардың жауапкершілігін міндетті сақтандыру шартының мәліметтерін өзгерту, қайта ресімдеу;

10.4.4.2. Жеке нотариустардың жауапкершілігін міндетті сақтандыру шартын мерзімінен бұрын тоқтату;

10.4.4.3. сақтандыру оқиғасының орын алғаны туралы хабарлама;

10.4.4.4. келтірілген залалдың мөлшеріне бағалау жүргізу;

10.4.4.5. сақтандыру төлемін алу.

10.5. Жеке нотариустардың жауапкершілігін міндетті сақтандыру шарты сақтандырушының интернет-ресурсын пайдалана отырып жасалған жағдайда, егер жеке нотариустардың жауапкершілігін міндетті сақтандыру шартында басқаша көзделмесе,

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 8- беті
		2018ж.«14» шілдедегі №2 Басылымның орнына	

Сақтанушы сақтандыру сыйақысын (сақтандыру сыйақысын бөліп төлеген жағдайда бірінші сақтандыру жарнасын) төлеген күннен бастап Сақтанушының осы сақтандыру шарты Сақтандырушы ұсынған талаптарда жасалған болып есептеледі.

10.6. Жеке нотариустардың жауапкершілігін міндетті сақтандыру шартын жасау барысында сақтандырушының интернет-ресурсын пайдалана отырып жасалған жағдайда, сақтанушы осы Заңмен көзделген сақтандыру талаптарымен танысқаннан кейін, сол арқылы оған ұсынылған талаптарда осы қосылу шартын жасасуға өзінің келісімін растай отырып, сақтандыру сыйақысын (сақтандыру сыйақысын бөліп төлеген жағдайда - бірінші сақтандыру жарнасын) төлейді.

12-бөлім. Сақтандыру оқиғасының орын алғанын және залалдың мөлшерін растайтын құжаттардың тізбесі

11.1. Сақтандырушыға сақтандыру төлемі туралы талап Сақтанушымен немесе Үшінші тұлғамен сақтандыру төлемін жүзеге асыруға қажетті құжаттарды көрсете отырып жазбаша нысанда ұсынылады.

11.1.1 Өтініш берушінің қалауы бойынша сақтандыру төлемі туралы талап электрондық көшірмелер немесе электрондық құжаттар түрінде сақтандыру төлемін жүзеге асыру үшін қажетті құжаттарды қоса бере отырып, электрондық нысанда жіберілуі мүмкін. Бұл ретте, электрондық нысандағы сақтандыру төлемі туралы талап өтініш берушіні Сақтандырушыға оның тұрғылықты жері бойынша құжаттардың түпнұсқасын ұсынудан босатпайды.

11.2. Сақтандыру төлемі туралы өтінішке мынадай құжаттар қоса беріледі:

11.2.1. Үшінші тұлғалардың залалды өтеу туралы талабы, келтірілген залалды және оның көлемін растайтын құжаттармен, немесе Сақтанушының нотариалдық іс-әрекетті орындауы нәтижесінде келтірілген залалды өтеу туралы заңды күшіне енген сот шешімімен қоса;

11.2.2. Пайда алушының жеке куәлігінің көшірмесі (жеке тұлға үшін) немесе заңды тұлғаның өкіліне берілген сенімхаттың түпнұсқасы;

11.2.3. залалдың алдын алу немесе көлемін азайту бойынша шара қолданумен байланысты шығындарды растайтын құжаттар.

11.3. «Қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы» Қазақстан Республикасының Заңында көзделген жағдайларды қоспағанда, Сақтандырушының Сақтанушыдан (Сақтандырылушыдан) не Зардап шегушіден басқа да құжаттарды қосымша талап етуіне жол берілмейді.

11.4. Құжаттарды қабылдаған Сақтандырушы өтініш беруші ұсынған құжаттардың толық тізбесін және қабылданған күнін көрсете отырып, екі данада анықтама жасауға міндетті.

11.5. Сақтанушы (Пайда алушы) сақтандыру төлемі туралы өтінішті электрондық тәсілмен жіберген жағдайда Сақтандырушы оған осы анықтаманы электрондық нысанда ұсына алады.

12-бөлім. Сақтандыру төлемін жүзеге асырудың тәртібі мен шарттары

12.1. Сақтандыру төлемінің көлемін Сақтандырушы осы Ереженің 5-бөлімінің 5.2-тарауының ережелерін ескере отырып, Үшінші тұлғалардың қойған талаптарының сомасы немесе келтірілген залалды өтеу туралы заңды күшіне енген сот шешімі негізінде анықтайды.

12.2. Сақтанушының залалдың алдын алу немесе азайту мақсатында көрген шығындарын Сақтандырушы өтеуі тиіс, егер бұл шығындар Сақтандырушының нұсқауын орындау үшін қажет немесе жұмсалған болса, тіпті тиісті шаралар тиімсіз болған жағдайда да.

Мұндай шығындар нақты көлемде өтеледі, бұл жағдайда сақтандыру сомасының және шығын өтемінің жалпы сомасы Шартпен белгіленген сақтандыру сомасынан аспауы тиіс. Егер шығындар Сақтанушы Сақтандырушының нұсқауларын орындауы нәтижесінде пайда болса, олар сақтандыру сомасынан бөлек толық көлемде өтеледі.

12.3. Сақтандыру төлемі жасалмаған жағдайда, Сақтандырушы Пайда алушыдан оның Сақтандырушыға талап қою құқығын шектейтін шарттарды қабылдауын талап етуге құқығы жоқ.

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 9- беті
		2018ж.«14» шілдедегі №2 Басылымның орнына	

12.4. Пайда алушы болып жеке нотариус нотариалдық іс-әрекетін орындау нәтижесінде залал келтірген Үшінші тұлға, ал Үшінші тұлға қайтыс болған (қайта ұйымдастырылған) жағдайда – оның мұрагерлері (құқықтық мирасқорлары) танылады.

12.5. Пайда алушы ретінде сондай-ақ Сақтанушы немесе Үшінші тұлғаға (мұрагерлерге (құқықтық мирасқорларға) келтірілген залалды осы Ережеде көзделген Сақтандырушының жауапкершілік көлемінің шегінде өтеген және Сақтандырушыдан өз шығындарын өтету құқығын алған басқа тұлға болуы мүмкін.

12.6. Сақтандырушы сақтандыру төлемін осы Ереженің **11-бөлімінің 11.2-тармағында** көзделген құжаттарды алған күннен бастап **7 (Жеті) жұмыс күнінен** кешіктірмей жасайды.

12.7. Сақтандыру төлемінің көлемі Шарттың тараптарымен немесе Үшінші тұлғалармен дауланатын жағдайда, Сақтандырушы осы бөлімнің 12.6-тарауымен белгіленген мерзім ішінде сақтандыру төлемін көрсетілген тұлғалардың ешбірімен дауланбаған бөлігінде жүзеге асыруға міндетті.

12.8. Сақтандыру төлемінің дауланған бөлігін Сақтандырушы бітімгерлік келісім жасалған және оның сотпен бекітілген күнінен бастап немесе осы дау бойынша сот шешімі оның дереу орындалуын ұйғармаса, шешім заңды күшіне енген күннен бастап **3 (Үш) жұмыс күні** ішінде төлеуі тиіс.

12.9. Шарттың қолданылу мерзімі ішінде Үшінші тұлғалардың мүлдіктік мүдделеріне келтірілген залал үшін сақтандыру төлемін жасау туралы талабы Сақтандырушыға сақтандыру оқиғасы орын алған сәттен бастап **3 (Үш) жыл** аралығында қойылуы мүмкін.

13-бөлім. Сақтандырушыны сақтандыру төлемін жүзеге асырудан босату негіздері

13.1. Сақтандырушы сақтандыру оқиғасы төмендегідей жағдайлардың салдарынан болса, сақтандыру төлемінен толық немесе ішінара бас тартуға құқылы:

13.1.1. Үшінші тұлғалардың сақтандыру оқиғасының туындауына бағытталған не оның басталуына ықпал ететін қасақана іс-әрекеттері;

13.1.2. Үшінші тұлғалардың Қазақстан Республикасының заңнамалық актілерінде белгіленген тәртіппен сақтандыру оқиғасымен себептік байланыстағы қасақана қылмыстық немесе әкімшілік құқық бұзушылықтар деп танылған іс-әрекеттері;

13.1.3. Сақтанушының Қазақстан Республикасының Нотариат туралы заңнамасымен белгіленген нотариустың қызметі мен міндеттеріне сәйкес келмейтін қызметпен айналысуы;

13.1.4. Сақтанушының Қазақстан Республикасының Нотариат туралы заңнамасының нотариус қызметінің аумағына қатысты талаптарын бұза отырып жасалған нотариалдық іс-әрекеттері.

13.2. Сақтандырушының сақтандыру төлемін жүзеге асырудан бас тартуына мыналар негіз бола алады:

13.2.1. Сақтанушының залал келтіруге кінәлі тұлғадан залалдың тиісті өтемін алуы;

13.2.2. осы Ережеде көзделген жағдайларды есептемегенде, сақтандыру оқиғасының орын алғандығы туралы Сақтандырушыға хабарламау немесе дер кезінде хабарламау;

13.2.3. Сақтанушының сақтандыру оқиғасының орын алу жағдайын тергеуде және келтірілген залал көлемін анықтауда Сақтандырушыға кедергі келтіруі.

13.3. Егер Сақтандырушы сақтандыру оқиғасының орын алғандығы туралы дер кезінде білгендігі дәлелденбесе немесе Сақтандырушыда бұл туралы мәліметтің болмауы оның сақтандыру төлемін жасау міндетіне әсер етпейтін болса, Сақтандырушыға сақтандыру оқиғасының орын алуы туралы хабарламау немесе дер кезінде хабарламау оған сақтандыру төлемін жасаудан бас тартуға құқық береді.

13.4. Егер сақтандыру оқиғасы төмендегідей жағдайлардың салдарынан орын алған болса, Сақтандырушы сақтандыру төлемін жүзеге асырудан босатылады:

13.4.1. ядролық жарылыстың, радиацияның немесе радиоактивті зақымданудың әсері;

13.4.2. әскери іс-қимылдар;

13.4.3. азаматтық соғыс, әр түрлі халық толқулары, жаппай тәртіпсіздіктер немесе ереуілдер.

13.5. Сақтандыру төлемін жүзеге асырудан бас тарту үшін негіздер болған кезде Сақтандырушы өтінішті және осы Ереженің 11-бөлімінің 11.2-тармағында көзделген барлық

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 10- беті
		2018ж.«14» шілдедегі №2 Басылымның орнына	

құжаттарды алған күннен бастап **7 (жеті) жұмыс күні** ішінде өтініш берушіге бас тарту себептерін дәлелді негіздей отырып, жазбаша нысанда сақтандыру төлемінен толық немесе ішінара бас тарту туралы тиісті шешімді жіберуге міндетті.

13.6. Сақтандырушының осы бөлімде көзделмеген негіздер бойынша сақтандыру төлемінен бас тартуға құқығы жоқ.

14-бөлім. Залал келтірген адамға кері талап қою құқығы

14.1. Сақтандыру төлемін жүзеге асырған Сақтандырушының Сақтанушыға төленген сома шегінде қайта талап етуге құқығы бар, егер:

14.1.1. Сақтанушының сақтандыру оқиғасының туындауына бағытталған немесе оның орын алуына септігін тигізетін қасақана іс-әрекеттері;

14.1.2. Сақтанушының Қазақстан Республикасының заңнамалық актілерімен белгіленген тәртіпте сақтандыру оқиғасымен себепті байланыстағы қасақана қылмыстық немесе әкімшілік құқықтық бұзушылық ретінде танылған іс-әрекетті орындауы;

14.1.3. Сақтанушының залал көлемін азайту бойынша қисынды және қолжетімді шараларды қасақана қолданбауы нәтижесінде залал көлемінің ұлғаюы;

14.1.4. Сақтанушының Сақтандырушыға сақтандыру объектісі, сақтандыру тәуекелі, сақтандыру оқиғасы және оның салдары туралы біле тұра жалған мәлімет беруі;

14.1.5. Сақтанушының сақтандыру оқиғасының орын алғандығы үшін жауапты тұлғаға талап қою құқығынан бас тартуы, сондай-ақ талап қою құқығын аудару үшін қажетті құжаттарды Сақтандырушыға табыстаудан бас тартуы.

14.2. Сақтандыру төлемін жүзеге асырған Сақтандырушыға ол төлеген сома шегінде Сақтанушының сақтандыру нәтижесінде Сақтандырушы өтеген залалдар үшін жауапты тұлғаға кері талап ету құқығы ауысады.

15-бөлім. Дауларды шешу тәртібі

15.1. Шарттан туындайтын даулар Қазақстан Республикасының заңнамасында белгіленген тәртіппен қаралады.

15.2. Қазақстан Республикасының Жеке нотариустардың жауапкершілігін міндетті сақтандыру туралы заңнамасының бұзылуына кінәлі болған тұлғалар Қазақстан Республикасының заңдарына сәйкес жауапкершілік атқарады.

16-бөлім. Жеке нотариустардың азаматтық-құқықтық жауапкершілігін міндетті сақтандыру жөніндегі дауларды реттеудің ерекшеліктері

16.1. Жеке нотариустардың жауапкершілігін міндетті сақтандыру шартынан дау туындаған жағдайда, Сақтанушы (Пайда алушы) құқылы:

1. Сақтандырушыға (оның ішінде Сақтандырушының филиалы, өкілдігі, интернет - ресурстары арқылы) талаптарды көрсете отырып және оның талаптарын растайтын құжаттарды қоса бере отырып жазбаша өтініш жіберу, немесе жеке нотариустардың жауапкершілігін міндетті сақтандыру шартынан туындайтын дауларды реттеу үшін сақтандыру омбудсманына (тікелей сақтандыру омбудсманына, соның ішінде оның интернет-ресурсы арқылы не Сақтандырушы арқылы, соның ішінде оның филиалы, өкілдігі) немесе сотқа өтініш жіберу.

16.2. Сақтандырушы Сақтанушыдан (Пайда алушыдан) өтініш алған кезде бес жұмыс күні ішінде дауды одан әрі реттеу тәртібін көрсете отырып, жазбаша жауапты қарайды және ұсынады.

16.3. Сақтанушы (Пайда алушы) сақтандыру омбудсманына жүгінген жағдайда Сақтандырушы Сақтанушының (Пайда алушының), сақтандыру омбудсманының сұрау салуы бойынша дауды қарауға және шешуге қатысты құжаттарды сұрау салуды алған күннен бастап үш жұмыс күні ішінде ұсынуға міндетті.

«Сентрас Иншуранс» СК» АҚ	СЕ-11 Жеке нотариустардың азаматтық-құқықтық жауапкершілігін міндетті сақтандыру ережелері	2019ж.«01» қаңтардағы № 3 Басылым	11 беттің 11- беті
		2018ж.«14» шілдедегі №2 Басылымның орнына	

17-бөлім. Ақпараттық өзара әрекеттестік

17.1. Әділет органдары, прокуратура органдары, сақтандыру оқиғасы мен оның салдарының орын алу дерегін растау үшін қажетті ақпаратты білетін өзге де мемлекеттік органдар мен ұйымдар бұл ақпаратты сақтандырушыға, сақтанушыға (пайда алушыға), сақтандыру омбудсманына келген кезде ұсынуға міндетті.

18-бөлім. Ерекше талаптар

18.1. Қазақстан Республикасының жеке нотариустардың жауапкершілігін міндетті сақтандыру туралы заңнамасы Қазақстан Республикасының Конституциясына негізделеді және Қазақстан Республикасының Азаматтық кодексінен, Қазақстан Республикасының Заңы мен өзге де нормативтік құқықтық актілерінен құралады.